

Enformaziuns y Comunicaziuns

Consèi de Ploania: Sontada en vèndres ai 14 de setèMBER ales 20:00, te calogna.

Festa dai aniversars: Düc i pèrs maridês co pó eniann festejé en iubileo de matrimone dai 15 agn ensö (15, 20, 25, 30 50 y plü) é dèr bel enviês ala festa con mësxa de reingraziamont, en domègna ai 16 de setèMBER. I pèrs s'encunta ales 9:45 dan dljia, por fá spo l'ingres deboriada. Dò mësxa sarál en picio renfrèsch por i festejês. Al vèn perié da s'anunzié pa Carlo Suani al nr. 348/6290572.

Zènter Families Mareo: Le ZFM envièia ala griliada dles families, en domègna ai 16 de setèMBER ales 12:30 ete dla Pera. An s'encunta ales 11:30 dan calogna, por jí dô l'ega ete deboriada, a pé o cola roda. Enformaziuns y prenotaziuns anter i 14/09 pa Marion Ties al nr. 348/8544553. Al vèn damané en contribut de 10,00€ a familia.

KVW Seniorencub: En jöbia ai 13 de setèMBER ales 8:30 pèiun ia cole bus dal Cone demez por jí sön la Rodenecker Alm ala "Pianer Kreuz Kapelle" (la pera de fondamonta é gnüda benedida dal Cardinal Ratzinger, gnü spo Papa Benedèt XVI). Ales 11:00 sarál na mësxa zelebada da signor Heinrich y abelida dal Cor dai Seniorencub. Al sará da jí a pé, mo por chi co n'é nia bogn da jí döt le tru, él en picio auto co fej sorvisc. Prenotaziuns pa Lidia al 339/7899107.

Comun: Chi co é scric ete tles listes litalas, á la poscibilitè da fá domanda por gní scric ete tal albo dai presidènc de sonta litala (la domanda é da dé jö anter i 31 d'otober) o te chël dai cumpèdausc ples lites (domanda da dé jö anter i 30 de novèMBER). Le fac-simile dla domanda ciafun tal ofize anagrafa o sön www.comun.mareo.bz.it.

Sorvisc ai Jogn: Le Sorvisc ai Jogn lascia alessèi che da atira él endò la poscibilitè da gní a se dô les fotografies dai proiec da d'isté (Istè deboriada, Cool summer, My summer, Musical). I periun da se tó empara en usb-stick. Chi co ne l'á nia, nen ciafa ince önn dal Sorvisc ai Jogn al cost de 5,00€. Les fotografies é debann. Orars d'ofize: dal lönesc ala jöbia dales 8:00 ales 12:00.

Pelegrinaje: La Uniun dles Porsones Vèdoes y Sores dla Val Badia envièia al pelegrinaje a Virgen, al santuar de Maria Schnee (Austria), en jöbia ai 27 de setèMBER. Le bus passa ales 8:00 a Longega. lade y marèna costa 45,00€. Al é da s'anunzié pa Tresele al nr. 0474/501397.

Avis: En jöbia ai 12 de setèMBER ales 20:00 él ete d'La Spona ta Pederona na serada d'enformaziun sön les ofertes de tomp lède tla Val Badia, por porsones adultes con bojügn particulars. Al sará la Lebenshilfe y le AEB - Arbeitskreis Eltern Behinderter.



Plata dla Ploania Al Plan de Mareo San Vighile

Ploian: Signor Heinrich Perathoner
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MHz

UNITÉ PASTORALA




VAL BADIA
www.unitepastorala.org

Ann B 09.09.2018 - 23. Dom. dal Ann Liturgich - Segra d'Al Plan nr. 41

Al á fat döt bun; al fej che i surc aldi y i ströms baii!

Dal Vagnele do San Merch 7, 31-37

Te chël tomp ³¹á Gejú lascé le raiun de Tirus y é roé, passenn por Sidon, dal lé de Galilea, amesa le raiun dla Decàpolis. ³²Enló ân condüt en surtström da Gejú, perienn, ch'al ti metess sö la man. ³³Al l'á tut sön na pert, demez dla meja, ti á motü i dèic tles orèdles y á aziché la lènga dal èl con spöda; ³⁴spo ál ciaré sö al cí, á süsté y ti á dit al surtström: Effata!, chël ô dí: Daürete! ³⁵Atira s'á söes orèdles daorí, söa lènga s'á deslié y al ea bun da baié endortöra. ³⁶Gejú ti á proibí da i al cunté a zacai. Mo plü ch'al ti al proibia, plü ch'ai le cuntâ ennant. ³⁷Fora de moto dla morvèia dijèi: Al á fat döt bun; al fej che i surc aldi y i ströms baii. **Parora dal Signur. Lalt a te, Gejú Crist!**



DIE REINHEIT VON HERZ
UND GEDANKEN IST
GRUNDLEGENDE
FÜR DIE REINHEIT
DES LEIBES.
Warren Wiersbe

Tony Schreiber

Oraziun dal Dé

Bun Dio, che t'as cherié y che t'arvènes dotes les cosses, ciara graziont sön nos: fá ch'i te sorviunse con döt le cör y ch'i podunse sontí l'amur che t'as por nos. Dò cösc te periunse por nosc Signur Gejú Crist, to Fi, co é Dio, y vir y regnèia con te t'l'unité dal Spirit Sant, por düc i secui dai secui.

Dal Salm 116 (114)

Le Signur é bun y grana é söa iustizia,* nosc Dio é plèn de misericordia. Le Signur ciara dai cörs dai sciompli,* i ea tal debojügn y al é gnü al'arjunta.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sèra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.unitepastorala.org

Domëgna: 09.09.2018: XXIII. Domëgna: Segra d'Al Plan



Oferta por i bojügn d'Al Ploania

8.30: S.M. a La Pli
9.30: proa dal cor de dljia
10.00: S.M. solenne d'Al Plan – Benedisciun dal tomp
2. Requiem por +nt Markus Videsott

Lön. 10.09.: Feria d'Al 23. edema: Sa.Pulcheria, S.Theodard

7.20: S.M. por +nt Carlo Erlacher dal Craizer
S.M. aniv. por +nt Erwin Demetz, Förster
S.M. por chi dal Medo
S.M. por +nt Silvio Taibon, Lé d'Al Crëda

Dédol. 11.09.: Feria d'Al 23. edema: S.Felix, Sa.Regula, S.Maternus

19.30: Corona por la dljia

Dédem 12.09.: Sant'Ennom de Sa.Maria: S.Guido, S.Gerfrid

18.00: S.M. por +nta Angela Terrabona - Erlacher
S.M. por +nt Lois Valentin, Valiares
S.M. por +nc' Ties Franz y Rieder Erna, Ritterkeller

Jöbia 13.09.: Memoria de S.Johannes Chrysostomus: S. Tobias

Vijita personala te dljia y cortina

Vëndr. 14.09.: Esaltaziun d'Al Santa Crusc: S.Conan

7.30: S.M. por +nt Quirino Cervelli
S.M. por +nt Isidoro Castlunger, Grones
S.M. por +nt Pire Rindler, Costata

15.00: Ora de oraziun

Sab. 15.09.: Santa Maria Addolorata: Sa.Dolores, Sa.Melitta

14.00: S.M. da Noza de Clara Arthur y Obojes Verena

17.00: Poscibilité da se pissié

17.30: Corona

18.00: 3. Requiem por +nt Markus Videsott

S.M. por +nc' Pitscheider Richard y Tone
S.M. por vís y +nc' de Ties Matteo y Maria
S.M. por +nc' Call Loise y Jep dal Bocá

Dom. 16.09.: XXIV. Domëgna: Festa dai Aniversars – S.Cyprian, Sa.Edith

Oferta por i bojügn d'Al Ploania

8.30: S.M. a La Pli

9.30: Proa dal cor

10.00: S.M. pro popolo por döta la ploania

S.M. por i Jubilar

S.M. de renger. d'Al vita de Maria da Runcac' (95 agn)

14.00: Funziun dal Bato: Call Leon André



Ponsier d'Al domëgna

Tal Vagnele podunse vigne de aldí Gejú, co nes dij: Portun dagnora en picio Vagnele pa nos!
(Papa Francësch)

La varijiun dal ström desco simbol por la salvëza

Nos sun reconescionc ales persones co nes ascuta sö y nes tol sö scerio. "Daürete!" dij Gejú al ström tal Vagnele. Ince tal Bato aldiunse cöstes paroes dal Signur.

Nos düc savun, tan rio ch'al é, da ascuté sö con atenziun y sensibilité; tan rio ch'al é, da partí l'opiniun dal ater. A val'manira sunse düc surc o ne orun nia aldí. Valgönes persones endere n'á degügn co i ascuta sö y co tol sö scerio sües preocupaziuns. Sce persones passa dlungia ia sonza se baié, vá la comunité ademal.

Le miraco dal ström varí nes dij olache al é salvëza: Sce la jont se daür al Signur y a söa Parora.

Tal Bato aldiunse les paroes dal ploan: "Epheta - le Signur te daüres orédles y bocia, che te pói aldí söa Parora y encündé la fede." Sc'i ascutun sö le proscim y se tolun tomp por i atri, fajunse na gran opra de misericordia. (sb)

La bona parora é desco spëisa y porta speranza;

La sleta parora desdrüj.


(Anselm Grün)



La comunité d'Al Plan ti aoda döt le bun, sanité y benedisciun ai geniturs

Oliver Call y Corina Monika Guler

por le Bato de picio **LEON ANDRÉ**.



Gejú á dit: „Chi co crëi te me, vir ince sce ai mör!“

La comunité d'Al Plan tol comié da

Markus Videsott, mort al'eté de 42 agn.

Ai familiars les condolianzes plü sontides. Che al pálsi tla pêsc.



La comunité ti fej les mius aodanzas ai nüc

Artur Clara y Verena Obojes

Che la benedisciun de Dio i acompagnëi

sön so tru de vita deboriada.

Sorvisc dai Ministronc

Lönesc 10/09 (07:30h), Dédemesaledema 12/09 (18:00h), Vëndres 14/09 (07:10h): Anna y Luca Clara;

Sabeda 15/09 (18:00h): Sofia Castlunger, Emma Daverda, Chantal Feichter, Roman y Tomas Oberlechener, Nathan Migliorati, Gabriel y Paul Trebo;

Domëgna 16/09 (10:00h): Hannes Ploner, Isabel y Sandra Ties, Claudia y Susan Kaneider, Marco Alberti, Jan Paul Promberger, Mattia Leggio;

N. B.: Düc i ministronc é entres begnodüs da gní a sorví, ince sce ai n'é nia scric sö!

